

楊氏宗譜

第

冊

254
4692
3



奉耕府君行述



居茲里世守寒素至曾王父隱耕



創緒家始稍起王父奉耕府君其冢子也諱茂林生
 平勤以恢業嚴以律己恕以待人且友愛同父樂訓
 子姪承先啓後者本支中真罕出其右邇曾王父析
 箸時所遺亦未厚王父思充拓其猷櫛風沐雨艱苦
 恒不自惜曾王父向嚴匪僻之防王父仰承厥志凡
 蕩檢踰閑事不唯禁止弗爲併目中亦唯恐及見曾

王父素稱長者邑有權貴相傾以勢王父則挺身與
抗侃侃不爲彼屈卒至豪右股栗不敢妄萌覬覦閭
里竟藉以永寧曾王父篤於慈愛王父待敬耕樂耕
完甫貞甫諸叔祖父每分甘共苦急難讓肥雖已析
居食必羣聚一堂藹如也若他出每先以所往告歸
亦如之由是諸叔祖父皆克恭厥兄遇王父有外侮
無不同心共濟至五叔祖貞甫公卽爲王父代處患
難亦終無怨言王父於同父之子讀書者勉以勤謀

生者勉以儉心誠苦口朝夕無間與誥誡大父光伯
府君叔父華仲文叔元季公者其真懇無異迨各房
從叔或治經或懋遷咸有成績而大父亦首創楊樹
園之別墅兩叔更相繼蜚聲泮宮王父方輾然色喜
謂將來光大門閭紹聞先德庶有地乎不謂吾父天
不假年於弘光乙酉歲忽罹疾不起王父哀幾失明
賴吾母素淑敏戶以內戶以外悉處置合宜而諸父
又勤於孝養王父心乃少慰然會基等未諧家事未

嫻世故致業日凋落庭叱之餘常念吾父之十有一
齡王母許見背終能振起家聲而潛然下涕距順治
辛卯叔父華仲復早世王父遂含淚語曰強且壯者
已後先繼歿况余之衰且邁耶一切身後計余今預
爲籌之無俟汝輩與兩叔區畫于他日也王父之慮
始慮終若此及康熙辛亥王父卧病床褥旣彌畱見
季父文叔元季率基等環向相泣止叮嚀垂誠云吾
一生未了事唯修譜建祠兩節日後能勉爲之毋致

同室戈矛毋致玷志辱先吾卽含笑于地下矣嗚呼
痛哉王父生平懿行直筆不勝書者惜吾父甫四十
有一遂辭世永逝不獲終侍養于王父述之以示後
人基是以日夜椎心泣血也茲則家乘一書旣與鴻
山碩菴叔祖踵集成編敢不撫心追憶舉王父之梗
槩代吾父謹述於其後時

康熙歲次己未冬月

孫男基薰沐百拜述

明處士士名公殉難時作

無官一身輕有子萬事足城市不輕入留髮以免

未辱大元有處士願效古人服明朝經變易誓死隨

之瞑目

高義述

夫士居逢華草莽履常處順尋章摘句之暇吟風弄
月之餘與二三知己尙論古人未嘗不以名節自許
一旦兵刃脅其外欲惡亂其中遂曰我無茅土之膺

生民之寄裂冠毀冕以傾順者此亦察理不精操持
不堅故惟負非常之志者則不然道義炳于中浩氣
臨于外卒臨大節遂蹈白刃惟期壯往以酬素志千
載而下其人其氣勃勃如生斯真臨大節而不可奪
之君子歟若我邑士名楊公殆其人焉公草莽處士
未有茅土生民之寄而律身行己常以古人自期生
當明季闖見宗廟之坵墟生民之塗炭常恨不能奮
除凶逆紆憂廟社救濟民生及我朝定鼎海宇一

新幸全億萬生靈之命公志亦賴以申而其銜哀故
國歟然實有不足于心迨後就義從容盡其在已所
當爲者爲之此非孔孟所云殺生成仁舍生取義者
耶其視膺茅土寄生民之節烈益遠矣愚聞公之大
節竦然起敬不揆固陋敬識一言以備他日載筆者
之採焉敬述

邑人朱萬里薰沐拜識

節母吳夫人傳

陸楣

夫崇禎甲申四五載江南騷動失業之衆挺而走險
馮藉聲勢恫疑虛喝探丸肱篋在在蠶起無錫東南
地瀕湖嘯聚出沒白晝淫掠邨落爲墟而延祥里楊
節母能以其孤免一時莫不奇母之才畧云母姓吳
氏長洲吳繼曾女適郡學生楊光祖光祖蚤卒遺孤
德來暨二女方盜猝至鄰舍驚竄母奔避弗及左掖
孤右蔽二女誓以死拒盜初不敢犯已復偕其衆露

刃環脇母卽詭詞爲家人嬖以對且給指曰主逸矣
盜他逐乃免蓋母以哭夫久憔悴垢敝盜不能辨也
旣又念以身試非計脫徒死何以謝地下疾負孤懷
輕資走數十里匿外家盜再至無所得燔其廬而光
祖棺以亂故殯不時遂及於難母聞號慟返負遺骸
烈焰中哭且酹曰未亡人不豫襄事貽禍幽冥大讐
未雪唯天地祖宗之靈死且不瞑旣安厝然後去會
閭右得請於大吏畝丁壯捕盜輒殺不爲禁盜內相

殘母得乘間懸重購次第擒其魁刃其首尸諸湖然後返又哭且酌曰未亡人不與君骨俱燼唯楊宗祀是重賴天地祖宗之靈罪人斯得死且不朽聞者感動時戊子七月二十四日也遺孤甫再期又十年母持一篋授曰而父生平著述吾出之萬死中今以歸若勗哉無墮而父之志孤再拜泣受用能讀父書知自好既長力田以養母母躬操作善心計故業稍復子女婚嫁以時康熙丙辰卒年六十有三距光祖卒

凡三十二年庚申葬常熟縣之歸政鄉德來將具母
節白有司先以狀畀友陸楣俾立傳

楣曰吾聞匹婦蓄積可以覆國春秋紀鄣之婺是也
節母創鉅痛深隱忍於一炬之毒豈嘗須臾忘耶卒
能售其志哭酌數言悲壯之氣感天地泣鬼神比于
會稽三年秦廷七日不獨與紀鄣爭烈已况乎板蕩
之秋文獻散佚雖金匱石室丹書綠字往往化爲灰
燼踐爲泥沙而楊氏孤得保父書于倉皇兵火之餘

君子於節母授箴之際猶悄然有餘思焉傳有之死
者復生生者不愧如節母者庶幾無憾

素泉楊先生傳

先生姓楊氏諱中號素泉無錫人關西夫子五十五世孫也祖諱光祖字士超郡庠生早世祖母吳太夫人節烈自守事載邑乘陸鐵庄楣有傳父諱德來字允修能讀父書先生爲允修公次子初允修公夢鄉先達華鳳超先生諱允誠造其家旣覺而先生誕生公異之因名樂誠字繼超後遊庠時易今名幼穎敏年弱冠文日有聲補諸生試輒前列司衡者多梓先

生文以爲式士亦樂得親炙先生蓋先生文以理法
爲宗以神骨爲主以氣機爲輔而清真雅潤尤得力
於隆萬諸名家經其指授無不得氣以去以故門盈
桃李設臯比以延者幣相交猶憶普初受業時好事
馳騁先生一繩以義法俾有次第可觀庚午得捷南
闈主司有淵源有自之目迨後請假歸養晨昏餘隙
卽以夙所得於先生者教諸子今庚子癸卯兩兒相
繼登賢書益嘆文章不可誣先生之教之深且遠也

性矜廉重然諾苟利於物知無不爲見有不平卽義
形於色人有紛患曲爲排解而後安或非禮相干又
以情理遣之絕不與校蓋其和而介有如此者方先
生之遊普家塾也年近七旬恒篤孺子慕每遇令節
及先人忌辰常悽然終日若有所思間語普曰士先
德行而後文藝而德行莫重敦倫失此弗圖本先撥
矣他何取焉噫觀於此而先生可知矣世之知先生
也以文普之學於先生也亦以文庸詎知先生爲人

固有深於文不盡於文者卽以文論而其文亦侷乎
遠矣生於康熙己未十一月二十日卒於乾隆丁丑
十一月十八日年七十有九葬常邑釣渚渡祖塋昭
穴原配曹孺人早卒繼沈孺人相夫勤儉有同德三

沐

恩資生於康熙壬申九月九日卒於乾隆辛丑八月二
十四日壽九十歲子三長相邑庠生次藻幼文鼎邑
庠生孫觀顏曾孫男二人

嗚呼普何足以傳先生哉普於先生之文之行何能
窺其萬一哉抑語云知弟莫如師知師莫如弟普也
忝列師門從杖履之餘或坐春風或立寒雪虛衷道
氣有足述者且長者有懿德弗爲道揚弟子過也爰
應琛獻金獻兩世長之囑敬陳梗槩以附家乘之末
云

乾隆甲辰歲仲春月庚午科舉人實授河南開封府汜
水縣知縣門生周普潮百拜撰

例贈明威將軍行健楊翁墓系銘

楊之先澹成先生爲文莊邵公所推重稱其德可以
蔭近遠比之大木爲天下祝竊疑先生晚得第官止
壽藩不及年以歸而老邵公之言宜若未信然然邵
公卒以其言信後世蓋士立德而功見不待大行而
足乎理者可推而知也行健翁實澹成先生七世孫
云翁器資異凡兒嚮學遠自負而生窮約始受炊平
得半盎米七升耳移其力謀朝夕學廢久之乃以纍

忝之積削體腹之羨被於仰父俯子承啟之間戚疏待命之會而施不匱故雖跡不踰戶限名行不越乎鄉閭而論者重與之曰澹成先生後一人焉翁諱纘高初字子昌父孟祥公其上五世皆潛耀孟祥嬰羸疾尤奉首受狎侮翁起力持之宜其親以攝養父早世母司馬太君故丈夫女恠不得竟子於學念且効之諸孫而翁竟成之子大猷方長傾身致時譽士爲之師及於綸於大崧弗懈又屬猷勉卒之其奉子師

如奉親曰是某所以承親也常稱貸以豐脯弗悔也
其誠如此楊氏世孝友翁尤篤於周親有兩世父毗
之終身弟劬無子使綸子之而歸其女田妹早寡捍
其夫族之暴而老其節族著鴻山世遠嗣廢叶義矧
復之且經其可久爲人解紛訟贖質子皆能人所難
翁蓋蹈禮誼而樂爲仁者與師道之輕於世也度其
無他籌策徯而謾之益下其直意豈有幸也誠矯俗
崇禮以信其志則報必及之若呼者之望應雖甚懸

渺久而必聞翁是已觀於庠大猷有聲於十月榜綸
大崧有名大崧且爲選首方待次爲衛備理荆府屯
比大縣敦樸不欺上官將大任屬之而綸堅不謁選
總家務弟得壹志於其官於是翁之蔭將益遠而吾
以推其效於尊師豈不然哉其可風也哉翁壽五十
有七順治乙酉四月八日康熙辛巳十一月十九日
其生卒也後翁一年八月十四日生雍正壬子十二
月初四日卒壽八十有七稱配德者司馬太君也距

其家牛里有橋曰西成以雍正壬子十二月二十八日葬其原者新阡也子男三長卽大猷娶華今皆卒綸娶蔡大崧娶王女一孫男五女六曾孫男六女二乾隆丁卯三月綸以狀來曰先人體魄卽於土者十五年矣隧石未礮傷哉貧也吾子交最深又有連願有揭於阡龍退自念其言微無邵公之望未必能信翁然翁之事行信藉翁以信吾言庶有徵也銘曰狀系厥始關西伯起不遐以稽澹成是似孝豈在織

啟後用占啓後維何道尊師嚴西成之原堂斧孔實
既實而宏徵余不律

年家姻眷姪浦起龍頓首拜撰

正筆完對百未歸謝甚食也音子交景聚又自直底
其案佛果詳辭曰西風以應五玉于十二日二十九

楊君兆偉家傳

楊君兆偉諱大猷行健翁長子也余旣銘翁墓其弟
綸又具君狀屬爲君傳余交君伯仲自君始不敢辭
傳曰君自少工八股制舉藝時有以文射會習挽強
者君戲與之角發輒中竟以是占學籍非其好也君
家世以孝友聞自行健翁隆師傳禮闈風氣而君具
厚力實身爲之樞君於翁之棄養也母年衰兩弟業
未大就君娛母以孺子志二弟以嚴君相其材所宜

稱分侯延經師射師謹除舍豐治具一視翁所以盡
心者而加意考稽忻勤而感怠不啻過之久之弟綸
弟大崧皆以決科名當時逮其母之存人咸言君荷
翁重寄若貸主財子本倍稱及期而還之古所謂養
志者耶楊氏多古墓仍世久遠躡爲牧場彭祖墩尤
甚君躡芒躡跣而伺有牛來蹊執以諭其主事已復
然直之官至再卒奉約束次東瀦村次衍慶觀咸反
所侵地加封植焉鴻山者泰伯墓所也山故多石村

民持鋤斧尋井徑無虛日法當禁絕君起爲倡里諸
君子贊決之謁撫行縣立石刊禁條又山之四周冢
纍纍叢石間滋不勝毒賴是舉聖寢肅而澤施於枯
趾所全安最大規畧定度爲亭以障之君忽痰上逆
噤不出語一昔卒雍正丁未八月也年五十九可悲
也巳配華氏後君八年卒一子振麟副室李出幼諸
父養教之君兄弟前後交相成一門風氣至于今不
衰其本有自君平生侃侃矜名義族黨倚任無巨細

來就其平甚多不具書書其大者

三山僮父曰當鴻山之役與楊子共事者蔡子文寧
與余及司馬子健久也四人者遇事楊子之才練蔡
子以春司馬子以斷而子戇乃見收及是覽狀四人
之中耳鳴手戰獨余在耳或墓有宿草或過其倚廬
而式之因憶韓愈氏久觀居世之語不能不涕落而
投筆也

姻硯弟浦起龍頓手拜撰

爽齋楊公家傳

爽齋楊公諱綸字宸言行健翁之次子也嗣叔恬菴翁後性明敏有智計工筆札善騎射兄兆偉邑諸生侃、矜名義望重鄉邑弟樸山康熙丁酉武闈登解爲荊州衛守備陞都司僉書而公中庚子科武舉堅不謁選承歡奉母繼兄總家政而令弟得壹志於其官生於康熙二十四年十二月初六日卒於乾隆十三年八月初七日壽六十有四卒後三十有七年其

弟樸山之孫海門以其舊從余學也肅余而請曰吾祖兄弟三人之荷曾祖行健翁業也前後交相成若鼎足之不可闕一也兮伯祖兆偉公山僉浦先生已傳之吾祖樸山公先生又已傳之惟伯祖爽齋公之傳闕如其遺芳餘韻耿耿於我後人之心非先生之筆莫之傳也敢敬以請余蓋嘗讀行健翁誌銘與兆偉公傳畧見爽齋之梗槩而重有感焉浦先生之傳兆偉公也蓋三復於楊氏之孝友傳家矣夫孝友豈

兆偉公一人之所獨爲耶每見兄弟之間志趣不同
賢愚迥別其有才者競鬪私智各分門戶其不才者
放蕩淫佚不自樹立甚且反唇相稽入室操戈爲之
兄若弟者卽忍詬包羞涵容和劑介介殊難得調司
馬子之所以常懷憂懼也爽齋已嗣叔後可以自成
門戶而不別異於兄其克恭何如弟已發解可以因
之息肩而仍奮于功名其自立何如謁選得官可以
身致青雲而獨從容將母其盡孝又何如介兄弟之

中間適盡乎其分之所當爲而兄與弟得交濟其美以不墜孝友之家聲嗚呼如爽齋者足以風世已公之嗣叔後也悉讓其產于所後之女弟而已不有曰嗣以承祭祀非嗣產也且妹奩貲不可以薄其重義又如此公配蔡氏子二人躍龍育熊皆副室吳氏出躍龍已卒女一人嫁國學生金上珍賢而好禮公卒後家頗賴之今諸孫猶其力云

例封明威將軍鄉飲大賓樸山楊先生傳

樸山楊先生諱大崧字嶽駿系出漢太尉關西夫子
後宋南渡時忠襄公邦父殉節建康其孫日暉公徙
居鴻山始爲錫人焉迨有明中葉而澹成公舉進士
歷階朝列大夫以文章理學爲世名儒先生之八世
祖也先生年十二而孤偕兩兄侍慈闈以篤孝稱勵
志好學作文得澹成筆意適兩兄以武事應舉亦間
習之遂以康熙丁酉發解南闈會試入都憶母旋里

晨夕承歡迄於終養十五六年服闋謁選得荊州右
衛督運部調引

見陞荊州衛守備舉卓異奉調

旨陞都司僉書先生雖以武科發解而居官行已一一遵
澹成家法既掌衛事督運之暇得兼治民慨然曰是
豈不足爲政耶於是肅軍政慎屯務平訟獄漕船失
風則申借給之請而丁力得舒水災辦賑則絕中飽
之弊而飢黎蒙福其捐俸買屋以全衛屬柯姓婦姑

之節孝尤非俗吏所能爲焉致仕後周旋親黨間退
然如不勝衣遇幼輩言孝弟與農夫話桑麻疊疊如
也至其生平事兩兄撫孤姪保祠墓及表王烈女事
皆卓卓鄉里以爲儀表癸未鄉飲督撫及學政咸以
賓筵舉先生遵 劉廷尊正氏卒壽八十歲四恭人王
旨准鄉飲大賓纂入 熾州縣志卷之四 學苑 東林
國史而先生惟欲然自下屏絕外事優游林下者凡二
十四年日集孫曾講解小學近思錄雖盛暑嚴寒不

少怠心慕力追澹成一人而已又嘗以澹成與邵文
莊爲莫逆交所著有道學諸書而第八名宦之祠未
與理學之席心嘗歎如晚年乃爲狀申學政祀東林
卒成其志焉乾隆癸巳五月卒壽八十有四恭人王
氏克勤克儉以成先生之廉潔而兩割臂以療母姑
之病而病咸得痊尤孝感之異者子二人孫五人曾
孫四人長孫汝城先生之所篤愛也從余學能以孝

友聞

贊曰先生習韜畧入官而奉學小近思錄以爲修己
治人之方此豈僅雅歌投壺輕裘緩帶者比耶宜其
望重賓筵而國人矜式也吾以識澹成之遺澤遠矣
昌黎之所謂可祭於社者非先生與

年家眷姪錢俊選頓首拜撰

述德歌一章題宗樸山先生傳後

吾廬東望雲林裏鬱葱照眼鴻山峙扶輿清淑此孕
靈其下吾宗有仁里吾宗均出關西後異條同根一
桑梓忠襄繼世產大儒曰澹成公中崛起維時吾邑
多學人文莊邵公與公友道德文章競切劘數莫逆
者惟公耳廣川演迤無細流大陵嶽崱無弱趾清門
堂構又春風樸山先生今濟美肫然孝友種根性緬
爾典型溯祖禰遺編恪守豈投筆穿楊偶試亦絕技

遂探經濟窮籌畧學稟先民優則仕雄鎮荆南財賦
疆屯衛殷繁咸就理澤周孀婦及饑黎頌豈第兮歌
樂只爲政風流遺愛長峴山重覩羊叔子急流勇退
賦歸來舊業依然清素士自言先緒猶未湮南來道
脈東林始顧高未出孰遠宗吾祖開山實仰止一綫
綿延合配食爲永蒸嘗歷千祀者英望重大賓筵少
誦習書還身體天常人紀垂法式教誨孫曾恒以此
平生夢寐企宗傳終踵修途繼前軌吾聞實遂由根

茂藝蘭得香穀得米先生紹述啟詒謀奕葉雲仍宜
肖似卽今文孫皆俊英不務聲華敦素履循循規矩
遵先訓鄉黨漸欲作模楷有基勿壞又增之益大厥
傳立可俟鴻巔峩峩亘古存先生之澤視此矣

宗姪逢春頓首拜稿

乙酉秋仲恭紀族祖澹成先生從祀東林

南來道脉東林主宋代儒宗予鼻祖繼世而往誰接

武有明中葉先生起

叶口舉切

下爲顧高導先路近與文

莊結靜侶懋修實行不近名獨闡遺經訓多士

叶音所

是時鴻朗元氣盛士習不佻歸帖妥

叶統五切

循循規矩

秉先民未始紛紜別門戶後來標榜太張皇奔走一

世如蟻聚希風附影雜僞真蘖芽其間毒甚蠱遂令

奸豎得甘心黨禍慘於南北部豈如先生奉瓣香崇

正閑邪敦古處不隨流俗移通介予自守道莫予侮
迄今文孫食舊德遠紹家風續遺緒梁鴻山畔愛吾
廬堂構春風榮稽古爰爲先生發幽潛配食東林冠
兩廡千秋講席永永存馨香享祀光鼎俎辭前賦歌
族孫逢春頓首拜稿祝

左齊則中築武王賦東不飲琢高聯次觀汲與文
南來戲淵東林主宋升壽祭子具麻繼世而拾精烈
了四好小恭臨賦麻壽與次主升麻東林

楊北莊先生小傳

北莊先生先大人珍山公同善友也先生姓楊氏
諱希魯字申一號北庄裔出漢太尉震唐贈司空
貞孝公於陵家新昌十三傳爲宋贈徽猷閣待制
忠襄公邦父子成忠郎杖笄公璿築別業於錫杖
菴公孫宣義即日暉公燧遂爲錫人居鴻山數傳
徙上福鄉又數傳爲聚範公諱維塙聚範公生章
甫公諱時春章甫公生子蕃公諱際茂子蕃公生

廷榮公諱應元世有隱德不仕廷榮公生五子長
卽先生先生幼端慤寡言笑八歲就塾讀書一日
數行下年十二事呂先生治開語以明善復初卽
能曉大義時吾邑自端文忠憲兩先生後百數十
年老師宿儒零落殆盡而端文之後有侯齋先生
培克紹家學其淵源由章圃軒以上溯忠憲忠憲
往時其會有二曰東林會講曰復七講席中輟遂
合爲一俟齋於荷花莊創其學山居以祀湯闇齋

金默齋章圃軒三先生而歲時講學其中先生謁
之俟齋舉忠憲語曰存心必由靜坐而入明理必
由讀書而入靜坐讀書必由朋友講習而入泊歸
取儒先書博觀約取得其要領又以質之黃君堯
咨叩黃君亟推其學以爲可繼俟齋時俟齋已沒
後進奉其木主以祔三先生祠其業弗替至是先
生與焉自記有云昔忠憲二十五歲勵志向學便
成大人物今某適當其年雖萬不敢比縱前喆然

有斷不容自諉者厥後同志日廣遠近來者暨陽
則是徵君鏡陽羨則卞先生誠皆篤志之士也先
生又別爲會曰進修里仁進修以課子弟造以文
行里仁則於月吉敬讀

聖諭且比附律例爲之歌以聲之而恒義同志兩會以
給死喪廩餼窮皆先生手定其規制倣邑中同善
會之設而變通之蓋先生家雖貧一介不苟取與
而事有利於人有濟於物知無不爲里之人唯其

言是從先生倡之無弗應者先生天性孝友接人
以謙其爲文灑灑數千言補邑庠旣累試不中第
遂罷舉其學以靜爲主本於敬而歸於誠於書無
所不觀尤邃於易所纂述凡百餘卷藏於家先生
生以康熙辛卯八月初一日卒以乾隆乙未十月
二十八日年六十有五娶胡氏子紉桂紉蘭紉菊
紉蓮

贊曰動靜無端而學必主靜何歟文公先生言之

矣曰火之宿也用之壯水之瀉也決之長其理然也老釋說於靜而欲無天下之動是猶長寐不覺而棄有用於無用聖賢固弗爲也今說於動而欲無天下之靜是猶常行不止雖勞而不得息聖賢亦弗爲也靜極而動聖人之復惡極而善常人之復易曰復亨出入無疾朋來無咎其會講之意歟
反復其道七日來復其復七之意歟

賜進士出身中憲大夫署四川提刑按察使司甘肅

甘涼兵備道前浙江道監察御史工科給事中後

學顧光旭拜撰

乾隆四十五年三月

楊氏重修嵩山寺祠碑文

賜進士第中順大夫浙江等處提刑按察司副使奉
勅提督學政前吏禮二部郎中武進薛應旂撰
傳有之貨惡其棄於地不必藏諸己力惡其不出
於己也不必爲己論者嘗擬其出於老氏而非聖
人之言乃今自楊氏先祠之在嵩山者觀之益信
其爲孔子之言而大道爲公之景象雖不復見於
後世而猶著存乎人心也初楊之先有名職者元

季爲無錫州同知洪武初與其從弟進道進禮從
兄子工部員外郎德彛遇異僧志道於嵩山遂以
山田三百餘畝施之建刹其事具少師姚公廣孝
兵部孫公原貞記中是嵩山有寺實自楊氏始也
然楊之初意惟以其僧之可與而施之耳曷常有
所私意於其間哉志道則感其施因立楊氏祠以
祀其先人於以示報本之意至弘治間嗣僧不齊
而山田侵於有力讞之曾孫壽府長史公文白諸

官復正其疆以歸於寺而先祠如故後長史沒而
祠復廢時寺僧于楊氏諸主則尙藏諸經閣而不
忘厥初嘉靖己酉寺僧正端修廢舉墜因及于楊
氏之祠于是獻之嗣孫縣學生幹倡率族人量材
鳩工以裨僧廢至癸丑春三月告成而楊之先復
妥妥如禮始具宣義郎燧位于中推其所自出也
同知公獻工部公德彝暨進道進禮位于左謂其
施山也長史公文位于右謂其復山也自茲以往

楊氏之祠其殆永于茲山矣乎嗚呼天下之人竭
一生之心膂以爲子孫計者何所不至哉然而未
必其能盡保宗祊也故若敖之鬼猶不免于餒而
房杜之子孫且至夷其先祀他尚奚說耶嵩山楊
氏之祠雖其子孫代不乏人寺僧相傳之意則固
宛然可掬也貨奚必藏諸已力奚必爲己哉此吾
所以信其聖人之言而今之世猶有大道爲公之
遺也登茲祠而讀是碑者其尙以余言爲然否乎

嘉靖二十三年十月朔旦嗣孫海棟權渠楷

立合同議事 棋案桓志忠鎔然燦天敘等同立

嵩山寺領捨山及祭田公議

立合同議單山主楊伯生嵩山持住恩惠等洪武初
同知獻可員外德彝公割捨戶內慎字號山塲二百
畝零契置號內高田一百二十餘畝魚池五條與本
山故僧請建寺祠世延焚修籥祀弘治間僧淨真不
法私將捨地盜賣澹成大新公痛廢祖宗事蹟歷控
各憲追還盜賣文契代僧捐貲收贖請帖重捨案扎
照然嘉靖四十一年寺僧通源以山經按憲審斷給

帖各執其田雖楊氏祭產契書俱存本寺竟在數內
潛賣八十畝與許涵許治方業等占種時肖石卽欲
告官治罪地方宋良臣等勸止情諭宗祖美意肖石
自出銀收贖隆慶三年許涵等復誘源私立賣契盜
買前田致世熙呈告兵道本府批縣嚴鞫其方
業買田三十畝零蒙審吐退許涵等買田共三十六
畝未經斷歸源立甘限吐價備贖後源無力抵償世
熙復通族湊銀收贖六年源又搆慣中朱若溪將原

捨鴻山止字號山場五十六畝賣張文吳輔鄭吾等
家生卽呈告 兵道本 府批送本 縣斷令給還
另托別僧掌管朝夕焚修春秋祭祀今惠等管業田
山思山實楊氏割捨其後又楊氏重整捨之又捨不
可或有動搖田實楊氏祭產其後又楊氏訟贖置而
又置不可或有隱匿爲此公同立議本僧世守田山
修葺殿宇典祀春秋山主世遵祖德同奉祭享供佛
飯僧各不得違議恐後無憑立此合同議單永執爲

照得本朝開闢以來，歷代皇帝，均極崇奉，以資國祚。永曆三年七月，

萬曆三年七月，

萬曆三年七月，

萬曆三年七月，

萬曆三年七月，

萬曆三年七月，

萬曆三年七月，

萬曆三年七月，

復捨嵩山山場給照帖

直隸常州府無錫縣爲給帖重捨山場事據楊澣狀
告洪武年間故祖楊獻可楊德彝契捨戶內京字號
嵩山地二百畝零與本山故僧志道等開場建寺請
額同立祖祠在山至弘治年間募被寺僧淨真宗鉞
宗鎮宗鎬宗鏡宗鉅惠澤惠暄違照等違禁潛賣山
地一百畝零大戶蔡孚卽蔡振趙龍卽趙楠及許昕
等得業勢滅祖祠香火澣與無碍僧惠隆告理四年

得蒙巡按大人饒李謝批發府縣勘問明白斷各吐
退放贖本山地四十七畝另買鴻山五十六畝共山
場一百畝零擬該復捨入寺除華慎華父華鯨退地
一十七畝五分澣自備價贖回各僧原賣契書糧收
本戶不係吐退之例今亦不在復捨之數餘外吐退
另買山場八十六畝并賣剩寺基退居及山門大路
通共一百八十六畝零告乞重立捨契給帖無礙僧
惠隆方正法振永遠管業重立祖祠香火其有碍僧

宗鎮等不得攬管自捨之後本家子孫世世同奉祖
祠不得奪占產業僧家徒弟世世同管寺產不得廢
墜焚修如有此等任從各執下帖遵依累朝禁例告
官問擬充軍爲此告乞給帖一樣二張付各永遠存
照庶無後患便益等情開單具告到縣據此照得楊
澣所告情詞已經委縣踏勘明白解府問斷外今告
前因別無餘問事理擬合就行爲此除給帖責付嵩
山寺僧惠隆等執照永遠管業再不許通同買主故

木
三
二
四
違謀買外合行本告收執如違許令赴官呈告以憑
照依律例問治毋得違錯不便須至帖者

一賣剩寺基山門大路共退居共山地一百畝坐落

寺產中心

一趙楠退山五畝坐落寺產南碑亭東

一蔡振退山五畝坐落山門大路西

一許昕退山一十三畝陳情退山二畝五分坐落退

居西北

一馬禴馬宿放贖山三畝坐落退居南

一各人另買補迷字山場五十六畝坐落鴻山東北

响弁山北

中段

一另有本山三十七畝坐落界墻東西被趙楠等匿

占今不在重捨數內

一張完退山九分坐落退居南

一 張武靈山代右帖下本告楊幹執照

正德六年七月初六日

給帖重捨山塲事

側管山北

一 谷人民買賣稅字山灣五十大牌坐落崑崙山東北

一 孤嶺孤窟對觀山三柳坐落崑崙山南

一 每將其山...

嵩山寺僧領單

立領單嵩山寺僧登選等向有楊氏世祖同知獻可
員外德彝公等於公洪武初契捨慎字號內山場二
百畝零奏請勅建嵩山禪院並立祖祠在山又置前
號內高田一百廿餘畝魚池五條授僧典守以奉俎
豆供佛給僧歷代流傳已非一日距萬歷四十四
年寺僧又蕩廢田業山主敬成公等旣行告官訟理
遂擇田山持住選應請來棲孰意明覺故將祭田典

賣於本年四月初五日構結克黨蜂搶常住選卽控
府山主亦具呈蒙 府批炤明覺不許攬越豈九月
十八日覺又聚眾抄搶禪貲拆毀楊祠選又將清平
亂寇等事上控山主亦以燬滅先賢等事具呈已經
拘審責豪追贓今選念訟事已結欲還踪故剝山主
等苦留持住寺中公立交單具 府批管嗣後選等
願竭力募葺重新寺宇并典祠楊氏祭享永無廢墜
以答付托之至意倘有地方欺虐山主無容坐視如

有祀典曠軼選等不得諉咎二願非逼恐後無憑立
此永遠領單爲照

計開

山數一紙

田數一紙

佃戶花名一紙

天啟二年十一月 日

立領單僧登選等
見領僧照熙等

金匱縣正堂吳憲審案

審得紳衿楊大崧等呈控僧人天如天真廢棄寺祠一案緣嵩山寺係明初同知楊獻可工部員外楊德彛捨山二百三十餘畝捐田一百二十六畝建寺立祠四百年來祭祀修葺歷有成規寺僧遵守勿替祇緣方丈天如監院天真敗壞常住并廢祠祭迨至去年十月初六日私自退院不將齋糧銀兩什物交清以致楊氏子孫大崧等控縣當卽飭差押交去後乃

有許汝熊許浩年呂其泉陳天祿等扛帮插訟庭訛
之下該僧等理屈辭窮本應究追以儆刁誣但所控
齋糧應交六十三石除業已交過米壹三十二石餘
少之米姑念年荒免追格外從寬逐釋取具依結附
卷外其該寺方丈聽憑楊氏另請將山田交明掌管
仍照原議上院備祭下院修葺毋致侵損廢弛該地
人等倘再阻撓生事定卽提究不恕此諭

乾隆三十四年三月 日

嵩山楊氏祖祠祭田細號

慎字號田

二千八百七十九號 高田二畝二分四釐九毫

一千八百八十六號 高田二畝三釐七毫

一千八百八十六號 高田一畝九分六釐六毫

一千八百八十二號 高田一畝八分二釐

一千八百八十三號 高田四畝七分九釐八毫

一千八百八十四號 高田四畝七分八釐一毫

一千八百八十五號

高田三畝九分三釐四毫

一千八百八十六號

高田四畝八分八釐三毫

一千八百八十七號

高田二畝一分二釐六毫

一千八百八十八號

高田七畝二分八厘四毫

一千八百八十九號

高田六畝七分四厘二毫

一千八百九十號

高田四畝六分二厘

一千八百九十一號

高田三畝二分二厘八毫

一千八百九十二號

高田二畝五分六厘二毫

一千八百九十三年

高田四畝五分八毫八絲

一千八百九十四年

灘一畝一分三釐四毫

一千八百九十五年

高田二畝七分七釐二毫

一千八百九十六年

灘二畝二分三釐三毫

一千八百九十七年

高田九畝三分四釐五毫

一千八百九十八年

高田三畝六分三釐七毫

一千八百九十九年

高田四畝四分三毫

一千九百零一年

高田二畝四分九釐四毫

一千九百六十八號

高田三畝七分五毫

一千九百零十一號

高田二畝六分二毫

一千九百零十二號

高田二畝六分三毫

一千九百零十三號

灘田三分二釐二毫

一千九百零三號

高田九分三釐三毫

一千九百零七號

高田三畝一分九厘一毫

一千九百零八號

高田三畝二分六厘五毫

一千九百零九號

高田三畝九分五厘八毫

一千九百一十五號 高田八畝九分二釐二毫

一千九百一十四號 灘一畝二分六釐二毫

一千九百一十三號 高田一畝一毫

一千九百一十二號 高田三畝一分五釐八毫

一千九百一十一號 高田一畝三分五釐

一千九百一十號 灘二畝三分三釐三毫

一千九百九十九號 高田二畝七分四毫

一千九百九十八號 灘一畝六分一釐五毫

已上共結高田一百十七畝三釐五毫

一千八百九十二號

又捨嵩山寺山埜細號

慎字號

一千八百七十九號

一千八百八十七號

一千八百九十二號

一千八百九十五號

一畝五毫

一畝四分

一畝二分

一畝二分

一畝七分五厘

一畝一分九厘四毫

一畝五分

一畝八厘七毫

一千九百一十八號 峰一分六毫

一千九百零十八號 峰一分三毫

一千九百零九號 峰九釐七毫

一千九百零十六號 峰六分六毫

一千九百一十五號 峰一分

一千九百一十二號 峰二分二釐一毫

一千九百一十四號 峰一分四毫

一千一百二十二號 山十畝

二千一百二十二號 山四畝

二千一百二十三號 山八畝

二千一百二十四號 山十三畝

二千一百二十五號 山二十五畝

二千一百二十六號 山二十畝 此係寺基勅賜免糧

二千一百二十七號 山二十一畝六分

二千一百二十八號 山五畝

又慎二千一百十九號 山五十五畝

又鴻山止字 號 山五十六畝

已上共結山埜二百二十畝零九分二釐八毫內去
寺基二十畝實存二百畝九分二釐八毫又去浦
氏墳山六十五畝實存一百三十五畝九分二厘
八毫

重修家乘小引

竊聞諸先正有十世之德者卽有十世子孫保之有
百世之德者卽有百世子孫保之蓋後人福祚之延
促每視前人所積之厚薄以爲期故培塿無松柏而
深山大澤實生龍虺譬諸水有源木有本其源遠者
其流必長其本固者其枝必茂苟祖宗櫛風沐雨創
業艱難爲子孫者不念堂構之所由來是猶飲水而
忘源登枝而忘本也凡爲孝子慈孫必有惻然不安

于心者焉此家乘之所爲作也吾宗發脈肇於晉叔
向中歷關西而大著厥後自漢暨隋唐五代世有聞
人中原詩禮之胄無踰楊氏者趙宋南渡以來吾家
僑寓臨安自杖菴公始卜築無錫之梁鴻山下而鴻
山之楊遂爲江左衣冠右姓三傳至省齋公生七子
分爲七派散處三吳間然宗族之繁衍唯新二派爲
盛二派始祖爲別駕淑石公公生同知獻可公獻可
亦生七子第三子德敏卽明祥十世祖德敏同長子

縣尹伯熹次子拙菴徙居鵝湖明祥爲伯熹九世孫
明初及宋元以前譜牒具存如列宿麗天煊々炳炳
兼得縉紳士大夫各爲弁言冠首其文爛焉不磨明
神宗時三橋公恐歷祀久遠後裔無聞重經厘訂迄
今垂六十年其未登名斯譜者閱五六世矣及今不
加纂輯過此以往則世系混淆昭穆之次於何而考
大宗小宗之派如何而分甚至耆宿凋零篇帙散落
欲仰溯高曾之矩矱而父老無復在者何以慰祖宗

在天之靈且何以正子孫傳世之緒明祥甚懼焉宗
人幸有同心遂與其襄斯舉因舊增新刪繁就
簡集成授諸棗梨先後共爲若干卷聊以數言識其
歲月第愧固陋無以闡揚先德而水源木本之思實
寓於此焉繼起者倘能昌大前人之業而克振其箕
裘則十世百世按籍可知或庶幾其有取云耳
皇清康熙十有七年歲次戊午春上澣之吉嗣孫

明祥薰沐謹述

葑莊派述

葑莊之遷也自振聲公始由振聲公訖今凡七世矣
在禮五世服窮親盡夫至服窮親盡則派日繁分日
疏由是而之世次將混淆而莫辨蘇端明所以致慨
於途人也綯不自揆嘗欲取遷葑莊世系厘而訂之
有志未就也歲丁巳鴻山叔祖相以譜事來訪因急
抄一帙付梓蓋楊自叔虞而後傳至伯璿公肇基鴻
山支派繁衍散處四方不可勝記其世數昭昭本源

不案者固有而年遠失載至於茫無可考者亦所在
不乏惟吾葑莊之出於鴻山慶三支新二派也尙秩
然有條然使由此而下再歷數世安知不日就遺亡
欲爲追溯而無從乎則今日得藉手以成斯舉不可
謂非厚幸也已

嘉慶二年歲次丁巳冬季由三十七世孫絢謹述

楊村派述

禮有之尊祖故敬宗敬宗故收族收族故宗廟嚴是
故爲人後者於建祠輯譜諸役莫不兢兢從事罔敢
少緩不肖立自愧力薄才弱不足肩斯鉅任惟謹奉
先大人之遺訓而竊有志焉先大人鄉飲賓上侯府
君諱士登嘗諭不肖曰吾楊氏自鴻山遷居青城由
來遠矣今村且以姓著而未知遷于何代有傳二十
四世祖允常公諱經係北庄強氏館甥或依親居此

者有傳三十世祖后筠公諱天佑係梅巷張氏館甥
或依親而居此者然二說俱未可信何也允常公罹
禍籍產謫徙南京後思復公因家而葬焉其非始遷
于此者明甚至后筠公以前已有祖塋四畝殤塚二
畝在是村之東南今尙祭掃勿替則是后筠公已上
已有居此者益彰彰矣按之族譜歷代俱註葬地獨
以初公以下后筠公以上二代闕如豈今春秋祭掃
者卽此二代之塋歟抑卽遷居於是而遂葬於是者

歟然世遠年湮稽之家乘而無徵質之宗老而不得
亦未敢強爲附會也惟是吾宗自伯起公以下代有
聞人若龜山忠襄公輩則固國有祀典家有專祠若
我本支新一派巡檢公之式廓丕基員外公之光照
世業以及后筠公之樂善好施至今鄉黨咸稱道弗
置而合饗之祠則猶缺然未建且我子姓居此約十
餘葉矣宗譜自康熙戊午輯後迄今未列名者已四
五世恐過此以往而蒸嘗弗舉世係混淆不大乖夫

尊祖敬宗之義乎予耄矣輯譜建寺責其在汝汝其
勉之不肖敬誌之不敢忘先將本支各房名號配葬
生卒年月具書之集成一帙適逢鴻山乾五叔爲修
譜事來訪爰授而付之梓又以創建宗祠謀之伯叔
昆弟皆欣々然有同志由是蠲吉擇地庀材鳩工行
見譜將成而祠亦葺也自此廟貌聿新世次無紊列
祖在天之靈可以少慰而先大人惓惓之心亦藉是
少慰矣夫不肖立僻處田野自愧不文謹述先大人

遺訓附載家乘之末俾後人知輯譜建祠之所自焉
乾隆十四年歲次己巳孟夏三十七世孫 存立謹述

重修宗譜序

吾族宗於陵公至相三十五世由於陵上遡四知公
二十一世出四知上遡叔虞公三十九世綜紀九十
五世間原原委委良有譜爲徵也譜自於陵十五孫
忠襄邦父公殉難於金陵雨化臺宋高宗追錄忠勲
徵召伊子成忠公從吉水縣赴杭州成忠子一孫二
每年兩至雨化臺省墓卜別墅於錫邑爲中道休息
之所用卽叔虞曾伯祖讓王古墓於梁鴻山下遂分

居次孫名燧字日暉爲鴻山楊氏譜之作類皆稽近
不能稽遠正德己卯如川公適杭州長房見藏舊譜
錄之以歸相七世祖梧月君偕介石如蒿兩君訂稿
六世祖三橋君刊以傳世載遷居三世省齋君七子
以新字分七派一派傳南宅楊村南京分二派傳北
宅小南宅木竇望亭湖橋藏書院宅圩堰里坊前走
馬塘膠山分三派傳閣林寺橋頭陳家橋分六派傳
度船分四五派闕而不傳七派謫戍鎮江不傳康熙

已未繼隱公搜遺增謝埭橋顧山西溪寺頭荆村雜
社楊鄧薛石橋天台支面譜帙始繁後綠乾五淆亂
相念繼起無人增修難緩凡屬繼隱譜所載徧行查
訪如木竇望亭影響全無餘亦飄零甚衆心力不齊
用照三橋譜議修而於繼隱所增不續不刪已而西
溪續之天台續之現又新五派薛石橋懇續思新四
派東川公直諫廷杖崇祀鄉賢不可涇沒楊鄧無人
訪得遷散芙蓉山等處各有房譜東川公像讚檢擇

祭銘刊入其無志續修而有出身出任殉忠堪爲宗
祖先榮與相控保嵩山祖祠祭田及清白遺支肯爲
祖墓祠捐貲者亦皆刊續引爲載譜而不知祖宗墓
祠甚至滅祖欺宗當議復削者鑒懲大旨訪眉山蘇
氏譜五世終而復始以闡揚列祖之功德爲重云齊
按舊譜所載之分惟寺頭爲富且貴尚以宗譜爲
難修祇修房譜自後當更難乎其難望其珍而藏

之

先考方載府君先妣范孺人行述

嗚呼吾父一生品行吾母一世操持非爲子者所忍
殫述然湮沒勿彰何以垂示子孫則又不敢不述也
今吾族纂修家乘故含淚謹述梗槩以附 府君 諱

鑑字方載天章公長子弒錦二公之胞兄也事親孝
撫弟愛爲人忠交友信不與戶外事勿出非禮言爲
里黨推重咸以善人目之配先妣范孺人長自名門
幼嫻內則事父母事翁姑曲盡孝道主中饋佐家政

以相夫子 府君二十六歲 先大父因家道式微
二叔未成立人事浩繁入不供出乃析府君另居分
肩家務是時 府君跋涉於外 孺人主持於內常
慮薪水不敷雖嚴寒酷暑機杼之聲自昏達旦乾隆
癸亥年 先大父卒 府君哀毀骨立喪葬盡禮
先大母奚孺人老年多病允淹床蓆 府君經營范
宅每日薄暮必歸家省視穢則親拭器必親滌如是
數年未有倦色孺人告曰扶持病姑婦分內事也何

必過勞 府君答曰刻侍床前就恨日短每夕一返
爲貧之所使耳敢憚勞乎 孺人婦職而兼子職上
事病姑下撫子女太姊出閣 巨源幼稚攻書習藝百
計思維 巨源方得成立噫吾父母之心血枯矣精神
耗矣痛忍言哉 孺人時年五十四歲方謂瞻依有
日繞膝正長胡天不弔病入膏盲竟舍 巨源而長逝
耶岡極之恩未報萬一終天之恨述之痛心萱樹先
凋猶喜椿庭正茂得以少遂烏私 府君自奉儉約

布衣蔬食在在以勤儉爲主照應兩叔雖各立門戶
不異同堂二叔早亡遺孤及寡時時撫恤親友往來
接以禮交以義枌榆故舊從無一言誑語至年逾七旬
而不改善人之稱者口碑猶在也乾隆年十二月初
九日增病在床淹、不起永訣時執巨源手而囑曰
吾一生行止蓋棺定矣自揣可無遺譏但爲人之道
孝弟爲先非禮勿言非義勿取和上下睦親族終身
之要道也戒之慎之語畢泯然辭世肝腸寸裂捨地

無川風木之悲曷其有極今雖家道稍裕滿目孫曾
竟不克躬親奉養思之痛心言之酸鼻茲當宗譜告
成謹述數言以舒哀困

男巨源百拜謹述

府君斌侯公傳

府君諱成洪字斌侯年七歲祖父球玉公祖母曹氏
相繼歿伯父仁洪年僅稍長生產蕩然無所藉以爲
養時隣近有曹姓者甚愛府君欲螟蛉爲子囑族人
言之府君年雖幼自念吾父母已死將父母他人雖
餓死不爲也誘說再三卒不肯府君旣失怙恃自幼
及長孤苦之情拮据之狀不忍殫述迨吾母歸府君
二十餘年間育恐育鞠家以稍裕而府君之精力亦

粹矣府君卒年四十有七吾母撫不孝兄弟二人姊

妹四人教養婚嫁一如府君勤儉之素府君嘗誠

不孝

等曰人雖窮困宜知自立使一時使其身圖苟爲依

倚終其身且無以對妻若子矣蓋府君一生艱苦意

甚甘之由其立志不苟自幼而然也不孝仰維先志

時深悚惕因續修宗譜謹書其畧附諸傳之後吾母

許氏卒年六十六子姓詳譜中不復贅男子華百拜

述

續修宗譜

子美公傳

楊氏素推望族累代簪纓不絕自徙居楊圩漸經式
微至天生公勤儉成家延師課子次子子美公子東
翁也自幼英敏好學不倦其於四子五經以及性理
大全諸書無不融貫始冠時兩試俱列前茅咸謂家
聲可振簪纓可卜豈意心思過耗病起怔忡遂廢學
習醫自謂仁術仁心亦可壽身壽世醫藥自調病稍
痊疴因博極羣書自靈素仲景以及劉河間李東垣

朱丹溪近代各名家著述悉能究其指歸抉其精奧
後遂大行活人無算予遊庠時微抱心疾朝夕深賴
調養至其文藝雖廢亦終淵源有自出口成章兼得
其益爲人慷慨坦直一遇鄉里紛爭無不竭力排解
遠近交推不料年方半百賫志以歿嗟乎黃卷半生
不遂青雲之志赤心一世未逢白髮之年今子復有
子殊屬英俊從事詩書自當克紹前徽繼承先志以
勉之望之

大清嘉慶三年十月

年家弟顧玉章頓首拜撰

楊氏宗譜卷三

先君叔祥公行畧

寒宗自宋南渡從武林移居錫邑之鴻山後從鴻山復卜築鵝湖之別墅高祖諱栢號怡耕曾祖諱烈號省耕堂構相承以醇厚世其家王父諱時行號鴻淵生丈夫子四人先父叔祥公其第三子也公諱明禎字叔祥號湖叟少純孝事父母以色養聞晨昏具膳務極其甘脆娶先母錢氏隱德相莊梁孟鮑桓之儔

殆不是過至其友于之愛出乎天性待兩兄敬淵奉
淵公必誠必恪門庭之內霽、如也肅肅如也季父
碩庵公雖經出嗣支屬遇歲時伏臘乾餼之禮未嘗
少愆而患難相恤疾痛疴癢相關蓋數十年如一日
云中歲艱於嗣息納側室沈氏以爲祚胤計然竟無
所出因合宗之請議立士璉爲後是時士璉方在髫
髻稚魯無所知識先父恩撫爲子屬毛離裏情深鞠
育而且慈不廢嚴出就外傳歸趨庭之下面命耳提

立身則孝弟爲本傳家則禮法爲先其大指也而睦
族以和接物以恕尤懃懃三致意焉士璉仰承宗祫
之重朝夕兢凜思所以上酬罔極之恩下衍克昌之
慶顧菲才涼德懼隕越以貽前人羞始娶于華舉一
女繼娶于馬舉三女二男長曰遵典次曰遵謨其舉
長男也先父已過古稀每當著鄰舍餞之際笑撫長
兒背曰是兒不及見其成立然頭角已露或異日充
閭可卜乎晚歲皈心梵典蓮花貝葉持誦靡間暑寒

去來無礙幾于龐公夫婦先母生于萬曆壬申卒于
康熙癸丑八月朔享年七十有二先父生于萬曆庚
子卒于今康熙丁巳八月初五享年七十有八其距
大耋殆一間耳何天奪之速使士璉未獲稍展涓埃
之報烏鳥有心徒負恨於終天耳况平時嘉言懿行
所耳而目之者筆不勝錄而又僻處田野不能乞
當代大君子琬璞之作以光賁泉壤俾幽芳盛燉沉
闕弗宣履地戴天益深跼蹐茲從苦塊之餘麤舉一

言附載家乘之末尙冀 鉅公宗匠發其潛德錫以
鴻篇庶幾託青雲以垂不朽則先大人幸甚士璉幸
甚

不孝男 士璉 泣血謹述

東瀦村世墓圖癸丁向

坐落南延下扇興字
四百十九號內今丈
量僅存六分六厘

南址至河

北址至坊前分祖塋

東址至河

西址至河

明工部員外德彛公墓

宋宣義郎日輝公墓

明處士德緯公墓

彭祖墩世墓圖

坐落南延區下扇薄字
七百七十號內今丈量
存十四畝二厘五毫
南址至七百六十九號田
北址至彭祖墩
東址至七百七十三號田
西址至比路

量計六分六厘
四百一十五號內今丈
坐落南延區下扇薄字

東林世墓圖

興復士恭縣公墓

宋宣義軍日職公墓

宋將仕郎子通公墓

鴻山衍慶觀世墓圖

坐落南延樞下扇止字

一百八十三號內今丈

量止存四分墩糧

南址至同號田

北址至同號田

東址至同號田

西址至同號田

今丈量出

元教授省齋公墓

新山衍慶觀世墓圖壬寅向

鴻山衍慶觀世墓圖壬丙向

坐落南延區下扇止字號

一百八十四號今丈量止

存墩五分零四號

南址十一步

北址十一步

東址十一步

西址十一步

坐落南延區下扇止字

元別駕漱石公墓

鴻山衍慶觀土山下世墓圖

坐落南延堰下扇止字

一百八十六號今丈量

存二畝七分二厘三毫

南址五十七步

北址十四步

東址十三步

西址十三步

即為士相烈公穴

即為士舉問公穴

即為士烈竹公穴

即為士烈烈公穴

元同知行素公墓

即為士謝春公穴

即為士古熾公穴

即為士軒庭公穴

鴻山泰伯墓下世墓圖

坐落鴻山西南坡

今丈量三十六畝

南界至平原

北界至泰伯墓

東界至東房墳

西界至鄒氏山

明處士稼逸公穴

明處士古愚公穴

明處士拙菴公穴

明處士靜約公穴

明故靖安縣知縣伯熹公穴

明處士聽竹公穴

明處士樂開公穴

明處士畊隱公穴

鴻山鐵山寺前世墓圖

坐落南延堰下扇止三百

七十九號內今丈量四畝

七分一厘一毫

南址至河

北址至同號田

東址至同號田

西址至同號田

明處士鴻岩公墓

明處士思隱公墓

明處士梅谷公墓

鵝湖宅圩新墓圖

坐落南延區上扇馨字

二百三十號內丈量九

分四厘八毫

南四十步

北三十九步

東七十步

西十六步二尺

明處士心隱公墓

明處士懷隱公墓

張懷溝世墓圖甲山庚向

坐落萬安鄉上

畝十二都五畝

鱗字三百三十

八號穴地京糧

一分四厘

明故振華公諱雷之墓

明故承祖公長子之墓失考

明故處士承祖公之墓

明故振聲公諱霆配吳孺人之墓

明失考之墓

葑莊世墓圖甲山庚向

坐落萬安鄉上

扇十二都一圖

海字一千一百

五十二號穴地

京糧九分三厘

三毫東址墳宿

田西址餘糧田

北址韓家川南

址懷溪公墳石

為界

又一千一百五

十三號京糧四

明故處士懷溪公配

陳張

孺人之墓

清芝秀公配

盛徐

孺人之墓

清故在中公配唐孺人之墓

清故君甫公配王孺人之墓

明故處士愛溪公配姚孺人之墓

清故君執公配徐孺人之墓

分五厘六毫土
名餘糧田爲墓
前護墳田西北
殷家墳脚爲界
又一千一百四
十三號京糧六
分八厘二毫土
各墳岩田爲墓
後護墳另有本
號田一路址岸
爲界

清故處士嘉生公之墓

清故君瑞公配高孺人之墓

清故宗蕃公配孫孺人之墓

清故
失攷之穴

清故
失考之穴

清故嘉生公
原配薛孺人之墓

清故子英公之墓

清故
失考之穴

惠山劉孺人墓圖

坐落二茅峯下

朱家塢翁字山

糧一分正墓丁

住三周巷周姓

清故嘉生公繼配劉太孺人之墓

代八第二學士

十一正副京師大

文一十一百國

姓宋都徽魯果

流野與川西地

身着縣田益墓

新姑

夫李之穴

新姑于英公之墓

新姑海公

恩

新孺人之墓

新姑

夫李之穴

新姑宋蕃公顯孫人之墓

新姑孫公顯孫人之墓

新姑士顯公之墓

西京公家傳

翁姓楊氏諱作鼎字西京一字榆林考諱定朝生三子翁其仲也長曰桂林季曰華山翁幼與弟同學弟性敏於翁每見師嘉賞其弟深以爲恥遂發憤讀書恒至夜半寒暑不輟由是學亦漸進及長應童子試文名頗著尋以父老兄又早世遂廢舉業佐家政然其志未嘗一日廢學也及父歿翁哀毀盡禮事母陸太孺人以孝謹聞食必視膳寢必問安下及袒服之

溲廁踰之滌必躬必親未嘗任之婢使太孺人卒翁
慟哭口吐沫繼而色紅臥床不起者數月延醫診治
醫云此哀思太過內臟受傷宜節哀靜養非藥石可
療也親友聞醫言咸相勸慰後乃漸瘥初翁之生也
甫晬週卽斷乳太孺人常以芋糝飼之迨太孺人壽
八十有九而卒其時翁亦年逾六十家人或以芋進
必感然曰此母昔年飼我而生長者今卽欲以此奉
母不可得矣言畢淚涔涔下先是翁伯兄遺一子曰

章五與翁之子三郎同時出痘章五之證危翁甚憂之百計圖維以爲己之年尙富子可再育章五若死是無子矣乃默禱於庭願以三郎代章五翼日三郎殤而章五得無恙不數年翁果復生子翁爲人誠慤自持卽與卑幼接鮮有疾言遽色家雖裕勤儉若貧者然戚族告以緩急無不周或不待告而私詣其家周給之不欲人知也翁左眉有白毫人因以白眉稱之遠近問白眉之稱無不知者居恒不與外務暇則

書一卷茗一甌玩花詠詩怡然自樂卒年八十八歲

道光壬辰春翁孫太學生

政斌

以狀屬予作傳遂爲刪

次列之

論曰孝友者道之本也西京翁孺慕出於天性白首思親視昔曾子不忍食羊棗之心豈異歟自古以子代兄弟之子者伯道而後罕有其人翁亦可謂能人所不能矣不遠勝第五倫耶今子又生子孫又生孫亦甚蕃衍天之報施善人果盡冥冥否耶若翁之志

行豈獨楊氏之子孫宜傳之永久者哉

賜進士出身

誥授中憲大夫甘肅慶陽府知府姻姪薛玉堂拜撰

先曾祖宗震公傳

公諱棕林字宗震高祖定域公仲子也天資奇警精敏過人有膽識少孤不克讀書然於古今成敗得失與夫義理精微悉心考核有未達者輒向先達而諮諏焉由是學識頗進蓋其天分高而致力易也居於鄉一鄉人士皆宗之遇有難處之事公至力排羣議剖決若流有如素所熟悉者鄉人雅畏愛之公性過急臨事卽期其成不假時日嘗爲公務詣縣稟命比

至縣已夜半矣公遽叩轅請見闈者辭曰使君寢矣
請俟明日公曰必得請乃已闈者不爲通公大聲喧
呼聲徹內署時邑宰楊公素重公聞譁聲問何作闈
者以告楊公笑曰此必楊宗震也披衣而起遽出見
之盡可其請公乃退此亦可見公之守養有素而名
動一時者矣初定域公卒公年纔十四齡也扶柩窆
於惠山馬鞍塢其地乃河上秦氏公產也公買而卜
兆焉窀穸未葺而刑部尙書秦蕙田致仕歸問其地

知爲楊氏新阡秦怒告邑宰而誅璧焉傍觀者皆爲
公危先曾伯祖西京公謂公曰吾儕鄉民豈足與彼
抗衡盍徙柩而歸其地且天下儘多佳壤何必以此
爲累公曰不然吾先人窀穸於此未逾朞年豈可妄
徙且吾之封此土也取証於券今迫於勢力而遽讓
之吾卽能自諒其若先人何彼秦氏獨無父母者耶
吾請自往見之遂携券而往求見於秦秦盛氣而抑
之公入而徐趨長揖不拜秦曰子來胡爲者公趨而

前侍於秦側乃謂秦曰公位居鼎台凡在覆載之民
皆若赤子之戴慈父豈有壅塞不行之命卽此區區
山壤晚豈敢自愛以傷公心謹將原券奉繳願徙先
靈於他所雖然公長者也義不出此毋乃惑於宵小
之言乎公其念旃言畢呈券秦遽改容謝曰世兄休
矣吾之所事家事也世兄之言正理也此係吾家不
肖子弟所爲罪在吾家於世兄乎何尤且令先君新
阡於此豈容擅易世兄毋慮及此以重吾之過公謝

而出其事遂寢嗚呼當秦之致仕而還也聲名赫奕
炙手可熟凡在紳士莫不率從公以髫年不避權貴
起而折之其膽識固非常人可擬者詩曰不侮矜寡
不畏強禦公何愧焉公貌不甚揚身不滿中人而志
氣浩瀚有兼人之槩識者以此奇之公生於乾隆十
二年二月初六日於嘉慶十五年正月初二日以疾
終於正寢享年六十四歲葬於惠山馬鞍塢定域公
之昭配王孺人子三長先伯祖紹祖公嗣架林公後

次先祖純祖公先公卒次先叔祖念祖公女五長適
前洲唐氏次適芙蓉圩張氏三適禮社薛氏四適端
楷橋許氏五適西漳孫氏

同治九年歲在庚午六月止浣之吉曾孫毓昌百拜

不謹述

其而世之其御歸國我常人所感者情由不爾後其
矣乎而然其許韓士莫不率其公以錄乎不繼其其
河出其冲後窳也利出秦之姓出而愚也豈不特其

雲亭公傳

去星橋四里而近葑庄楊氏望族也余少時卽耳白
眉翁之名遠近知爲長者而惜未識其面庚辰辛巳
間余館葑庄與翁居鄰時翁已去世得識翁子雲亭
公公年逾六旬精神矍鑠接後進溫恭退讓無倦容
後延余至家課其孫曾輩始悉其家世暇輒至塾中
談論遇事有疑難者片言可決然性雖甚敏心尤好
厚嘗謂余曰爲人之道譬如用物華麗者多易敗質

樸者能久存厚之一字實可奉以永行者公之言如是余不及見白眉翁而知承先啟後厥自公主之也公諱紳字張書一字雲亭母薛孺人公生而岐嶷遇事有決斷幼好學穎悟過人後因父年高公又無昆弟不忍以家務累老人卽棄舉業而納粟入太學暇則茗甌詩版集同人歌詠以自娛家本素封而飲食衣服不少侈鄰里有急難者周濟之無吝色亦無德容公父好施與父又時時陰助之人咸謂善繼志者

公與從昆弟章五石渠聚處一室討論古今行事爲
人夜分不輟友愛之篤勝同胞焉公叔父華山公嘗
因事家中落公稟父命析已貲與之其合於孝弟者
如是七十生辰咸奉卮酒爲公壽酒酣公集家人曰
吾家本儉約而歷年寢盛馴至小康者以存心在厚
與人以寬也他人終歲勤劬吾獨坐享其利於心安
乎汝曹欲爲我祝釐可將典息減輕放贖租量加小
均收庶可少免吾愆耳由是人額頌歿之日聞者多

泣下焉公生乾隆庚辰卒道光辛卯年七十有二原
配陳孺人繼配梁孺人均有壺範丈夫子二皆恪遵
庭訓能世其家者

劉鼎椽曰傳者傳其人也人以文傳余不文曷足傳
公然前後館公家者十餘年知公之行事有足傳者
余文不足傳或藉公以傳未可知也易云積善之家
必有餘慶今公已孫曾林立比之玉樹芝蘭他日誌
余言於家乘庶幾繩其祖武以昌大其門閭是又余

之厚望也已

道光歲次戊戌

愚姪劉鼎椽拜撰

韞玉公傳

公諱繼祖字韞玉枋林公長子也生而岐嶷長有大志性倜儻不群好讀書每會大意不屑爲章句業嘗曰辭達而已矣治天下當由仁義行安用區區文字爲也心仁厚見善惟恐不及每論古昔成敗得失輒撫几嘆息方期見用於世以展平生之志然貞介不苟合狷潔自好每見譏於薄俗公知不容於時遂絕意進取人或惜之公曰莫之爲而爲者天也莫之致

而致者命也吾之不遇吾之天也吾之命也雖然不
遇何病不遇然後見君子且吾縱不得遇於時獨不
能遇於心乎在朝在野總之惟行吾所當行者而已
公既絕意進取而立身行已靡自砥礪視一鄉猶一
家與鄉人處善者稱之惡者正之不能者教之由是
有過者自知悔改惟恐公聞鄉人熏其德而善良者
不可勝數公家資豐厚而居常自奉有如寒素然濟
困扶危則又傾囊勿惜也合地皆稱善人焉嗚呼公

以怵惕惻隱之心懷濟人利物之志負經綸匡世之才使其見用於世將見天下生民並受其福乃屈居窮壤僻巷而僅以善人名幾與世之烟滅草腐者等何公之豐於德而嗇於遇也雖然古之抱大器懷大志而湮沒無聞者何可勝道豈獨公也哉初枋林公娶於鄧生公以門戶之祚薄也復娶妾施嫡世之間有間焉公婉轉周旋終不獲命遂析居之公自恨幾諫無能居常每自隕涕忽忽若有所失事施卒未嘗

廢禮施以四子曰煦曰煦曰勳曰熙後枋林公卒照
差長其餘則猶穉齒也公更加友愛撫誨其弟特至
時論多之公配薛孺人薛亦巨族也于歸後事翁姑
以孝聞親戚鄉黨無間言性好施與凡公之有所作
爲孺人每贊勸而勳成焉公於道光七年五月以疾
終於正寢享年五十九歲子一卽雲帆公也雲帆胸
懷磊落確有父風當集其遺事別爲列傳
道光二十八年歲在戊申清和之吉宗姪夢篆拜撰

楊公錫蕃傳

楊公諱晉號康侯字錫蕃行四世居錫邑之葑莊家
素清白尙義信習藝事年十七卽游庠境固不甚豐
而懋遷有無輒獲倍息以故家漸裕徧覽名山大川
爲先人營兆奔波幾二十年無一當意者後至五郎
山規模宏敞百計購之經營補葺遂卜吉焉故費益
鉅而力亦益憊凡里黨中有萬難處之事人遇之而
錯愕退者公獨毅然任之有一事可以利人者公無

不與有力焉以是非曲直爭論者質諸公無不帖伏
諸少年羣居一室言不及義見公至輒斂容散公故
不動聲色而鄉人之信畏若此豈無故哉公有丈夫
子四人皆延名師課讀而敬久不衰孫曾數十輩一
門之內子婦熙熙伯仲翼翼父與子言孝兄與弟言
悌終歲安居樂業無詬誶聲爲諸子析箸合族無一
知者公已默定成畫不藉戚族一人婚嫁喪葬一切
俱有法度時人以潁川陳實擬之故至今猶賴公之

蔭庇云

論曰吾見世之恃才力而行權於鄉者矣見人有急
生喜幸心欲一求援手輒高聲價爲漁利計迨谿壑
遂便又置身局外任禍之蔓延不止其爲害詎有暨
耶更有盛氣凌人莫與之抗而禍起蕭牆變生帷闥
者又可勝道哉聞公之風者其亦可以廢然返矣
同治歲次己巳仲夏陽邑許炳國旭堂氏拜撰

里東公家傳

翁姓楊諱政字里東一字大受雲亭公長子也母陳孺人生翁七歲而卒繼母梁孺人吾母梁安人之姑也生一子曰文若吾幼時從母省梁孺人見翁年幾四十猶若孺慕然梁孺人愛之甚於己出心竊異之其後吾屢至至輒見翁貌恭而言樸接卑幼以禮有古君子風而於父母兄弟間尤和氣令人孝友之心油然而生焉以是知翁之孝友出於天性故感人若

斯之深也道光辛卯春雲亭公卧病自知不起呼翁
弟至榻前曰吾今年七十有二矣回思數十年來吾
得優游以養天和者汝兄服勞之力居多家中所積
吾欲多分之以償其勞遂書遺囑一紙授翁翁跪而
受之未敢違父命也四月雲亭公卒翁哀毀盡禮是
時梁孺人亦六十有五精神稍不如前然有翁與弟
常侍左右先意承志若忘其年之衰也戊戌八月梁
孺人又卒翁號泣呼天幾不欲生既葬乃謂翁曰吾

兄弟以孝友稱析產忍厚薄乎卽出遺囑於梁孺人
靈前焚之二人相持而哭聞者悲之翁壯年有血症
家務或委諸子晚益好靜別治一室以詩書自娛然
遇先人忌日未嘗不欷歔流涕也翁生於乾隆癸卯
正月卒於道光丙午五月年六十四歲配趙孺人有
淑德以翁死慟哭嘔血病三月尋卒年六十五歲子
二希哲希和女三同治庚午夏楊氏修譜翁孫汝梅
以吾素識翁請爲翁立傳吾溯翁嘉言善行不可殫

述傳其庸行爲子弟法焉

例授修職郎江蘇卽用訓導姻姪薛元熙拜撰

將勳以餘孤備哭斷血餘三長等卒年六十五歲年

五民卒氣散出西于正民年六十四歲廬鼓歸人住

盡去人思日未嘗不悲想將歸也食坐飲算劉突犯

案發起委漸于郎益致歸服前一定以捕獲自服終

盡前共之二人附註可哭則皆悲之徐地年首血流

只流以卒文無世盡恐願請子用山舉動飲樂歸人

文若公傳

從來積善之家必有餘慶天道無親常與善人以知
光前之必裕後也余館禮社與楊子可陳爲莫逆交
歲庚午楊氏修家乘可陳持其先祖文若公行狀囑
傳於余余惟思天之報施善人者不在其身而在其
子孫可於文若公信之矣余雖固陋何敢以不文辭
謹按狀公姓楊諱斌字大魁號文若系出漢太尉伯
起公後至唐太傅達夫公爲新昌始祖傳三十一世

至振聲公始遷葑庄又七傳而爲雲亭公卽公之父也雲亭公原配陳孺人生里東公而孺人卒繼配梁孺人生公公生有至性事父母以孝聞尤篤於友于不以異母岐視幼穎慧端凝就塾隣右步武有數動止有常讀書見古今忠孝節義事輒歎羨其爲人師器識之年弱冠時雲亭公精力已憊卽委公家務遂廢舉子業而援例入成均公則勤儉持家無事不妄費一錢每遇善舉則傾筐倒篋以出之無吝色亦無

德容常訓其子孫曰天下之物當爲天下惜之尤當
爲天下用之若過爲奢侈是謂暴天物暴天物不長
或過爲吝嗇是謂守錢虜守錢虜多怨吁觀公此言
公之心可知矣道光癸未潦爲災公奉雲亭公命爲
粥以食餓者又恐廉介之不肯就食也則倡平糶以
濟之由是饑民之活者甚衆他鄉咸仿以爲法會雲
亭公舉七秩觴公請將質典之物減輕其息而於收
租之量內釘木錠則量小矣以大量貸而以小量收

之人皆感德爲公祝釐則雲亭公之享大年者惟公之積善致之也後雲亭公捐館舍公喪葬盡禮事梁孺人孝敬益至越數年梁孺人又卒公哀毀骨立繇是得疾以終年僅四十有九臨終命以喪服斂以母服未闋故也嗚呼孺慕之情可傷已公原配薛繼配奚又繼配吳俱柔嘉有則子三長燕嘉議叙縣佐次錦標邑庠生三希曾候選州同知孫九長卽可陳名治安廩膳生與余爲莫逆交者也文名鵲噪天之報

施善人者當在於是是可信積善之後矣

華又祥曰公賢者也賢者積而能散散其財正以聚其德也德聚而慶臻焉公雖不設是心天道好還決不負之且倍其數以還之也况公倫紀克修事親如是恭兄如是裕後又如是是非徒爲小善者矣世之遺金於子孫而不積善於後世者聞公之風可與起也夫

同治歲次庚午

世再姪華又祥拜撰

先考翼之府君傳

府君諱保齡名環字翼之先大父純祖公之長子也
府君不幸生五歲而孤先大母張孺人守節自誓撫
養成立先大母束子甚嚴舉凡一言一動必飭以禮
有陶歐兩母之風焉府君性端嚴言笑不苟好讀書
寒暑不輟羣書博覽無遺爲文甚古不趨於時以是
屢試不售大母誨之曰人生貴適志何事苦鑽研與
其聲聞於朝不若優游於野府君謹遵慈命遂不復

言進取惟日承順親意得大母一笑爲榮府君嘗病
疽年餘不瘥大母憂形於色府君力疾起舞強作歡
容以慰母心後大母病劇府君憂惶不知爲計惟日
禱明神求以身代遂得安痊又數年大母沒府君哀
毀過禮幾不欲生親族咸相勸勉哀稍節然每覩遺
物未嘗不泣下也叔父蘭溪公少府君一歲友愛甚
篤蘭溪立身侃侃卓犖不羣精敏雅過府君府君每
器重之執意天不假年年未四十而卒府君哭之慟

曰天喪我也夫何奪吾弟之速也遂以際昌奉公祀
府君既遭母弟之喪居常每忽忽不樂戚然若不勝
其憂者其後未嘗一日不如是也咸豐十年庚申髮
逆據我蘇常閭閻城郭所至一空不肖等奉府君避
亂靖江然非所願也既渡江不樂其居每思故里常
謂不肖兄弟曰吾年已六旬際此艱難恐不復見故
鄉桑梓矣我死汝曹好奉若母善自爲計言已恒泣
下後聞宮保李誓師南下府君聞之大喜曰吾有望

矣生還之願可遂也有同患者曰方今賊勢猖厥豈
易翦除雖王師尅至未可期也府君曰不然賊皆烏
合之衆若以節制之師擊之如鷹鷂之逐鳥雀靡不
紛然瓦解矣行將與君把臂言旋耳嗚呼孰謂府君
竟棄不肖等而長逝耶府君憂感旣深憔悴靡甚一
旦疾作醫藥不能爲力矣竟以同治二年七月十一
日棄養於靖江客舍嗚呼痛哉沒後四月蘇常以次
蕩平不肖等奉母踉蹌還家而府君不及見矣悲夫

明年不肖際昌始扶柩回錫而卜葬焉家母鄧氏時
述府君遺訓以戒不肖等不肖等每領慈訓如對嚴
親曷敢一日忘也府君生不肖兄弟六人長壽昌早
卒次際昌嗣蘭溪公後次爾昌次毓昌次聚昌次瑞
昌孫洪仁洪義洪禮洪智洪信洪禮早卒

同治九年六月上浣之吉不肖毓昌含淚謹述

補之公家傳

楊君補之余伯父楚瞻之壻也諱希哲小字太初性
穎悟讀書日數行作文每見賞於師應童子試頗有
名年十七父里東翁病吐血虛甚聞人聲心輒怔忡
君奉湯藥衣不解帶者累月內外事無鉅細悉委君
君稟母趙孺人而行之不敢告父也如是者數年一
切規畫無不精明雖老成練達者莫能及以故里東
翁得靜養病乃漸痊迨道光丙午里東翁年六十有

四趙孺人六十有五飲啖尙無恙也是時君問安視膳祇知竭力孝養不復以功名爲念無何五月里東翁卒八月趙孺人又卒君疊遭大故毀瘠骨立喪葬畢而元氣傷矣君有弟曰又韶幼時嘗往外觀劇歸已薄暮忽失足墮水君奮然躍入救之不諳水性力持水中幸不沈踰時有過其地者救出得免人以爲君之心誠有鬼神呵護焉其後兄弟友愛子孫皆蕃衍至今鄉里猶有言其事者君爲人正直無私曲有

相爭不決者君一言剖是非無不服有不服者必懇切導之至於渙然冰釋而止歷數十年里中鮮涉訟者皆君排解之力也人故以魯仲連擬之咸豐癸丑春粵匪陷金陵君慨然謂子弟曰吾祖宗以清白傳家今時勢至此縱不能提刀殺賊豈可爲賊屈乎遂憂憤成疾至十二月而卒年五十四親友聞之皆爲惋惜且有泣者余與君戚誼常相過從杯酒論心頗稔其生平同治庚午君之子汝梅延余課子時伯姊

年七十三矣。暇則與余談君往事，余因次列之。俾刊
之家。乘云直。昔余與晉。淑。常。時。感。其。科。斷。歸。亦。願
例。授。修。職。郎。江。蘇。卽。用。訓。導。姻。弟。薛。元。熙。拜。撰。一。書。以
宗。命。朝。接。至。其。終。不。誰。其。以。其。類。豈。可。無。其。風。乎。滋
春。專。國。創。金。刻。昔。謝。然。爾。于。某。日。吾。願。宗。以。前。白。身
清。骨。輝。琳。嶺。之。成。出。人。始。以。魯。中。並。錫。之。佩。豐。榮。任
世。無。之。定。其。感。然。水。擊。而。土。烈。燄。十。步。里。中。翰。傲。情
琳。翰。不。亦。昔。昔。一。言。博。其。非。餘。不。思。佳。不。爾。昔。必。感

羽儀楊君家傳

余少遊陸紹堂先生之門垂二十年先生友教四方其館梁溪葑莊楊氏也最晚楊氏子姓受業者五六人而心賞則惟錫蕃翁之仲子羽儀每稱許不置余心儀其人惜天各一方未獲把臂入林也今春楊氏有纂輯家乘之舉其子善昌等狀其崖畧屬爲傳余於羽儀雖未謀面然聲氣久通行事爲人稔悉大槩且同列師門誼關世好敢以不文辭按狀君諱躍達

號廉溪羽儀其字也少循謹樸納讀書研精覃思務
探理蘊下筆羅羅清疎不涉時近庸濫之習邑名宿
咸器之謂青紫可芥拾顧數奇不售知交咸爲扼腕
平生內行肫摯父疾衣不解帶者累月居喪廢寢忘
食幾於滅性舅氏顧蘭溪先生諭之曰毀瘠而傷生
匪特無以慰逝者其若母氏何嗣是稍稍節哀終喪
如禮奉母尤竭孺慕形影相依瑣屑必至有石氏親
滌菴諭之風此又人所難者善處兄弟間析產多寡

無幾微介於色艱鉅則躬任之而又恐家道之中落也夜寐夙興經營會計居積數年而家隆隆起居恒自奉儉約疏布不厭而好周人急歲杪輒視里之貧無倚者按戶給錢以爲度歲之貲迨粵逆擾而此舉不復能行慨然曰吾今者日見夫捐瘠滿溝渠流離遍道路也吾能熟視之無覩耶吾轉不如向者之能稍展一籌也何以安吾心耶悲憤交集未幾得疾而殞嗚呼誠如君言君真負疚於泉下諸人耶顧泉下

諸人有不諒君之有志而力不逮也耶天下有一腔
熱血而終迫於無可如何者此類是也余詮次其狀
既服其至性之過人及此而心尤爲之怦々動知血
性男子天下原不少其人而特未竟其用爲可悼耳
積善餘慶是可爲克家之二子券矣

同治九年歲在庚午天中節暨陽世愚弟沈鍾拜撰

此亦竊思典。縣管會情。每。而。新。以。其。同
兼。不。分。台。想。臨。以。讓。外。之。而。又。堪。來。首。之。中。第

先考雅平府君行畧

府君諱燕嘉字雅平小字耀初議叙縣佐先大父文
若公娶薛太孺人生府君府君生八齡卽失恃哀毀
逾成人人咸異之曾王母梁太孺人愛府君如掌上
珍府君亦善承意依王母若母焉先大父繼娶奚太
孺人生叔父秀升公省三公不數年奚太孺人卒又
繼娶吳太孺人府君事兩繼母遇兩叔父敬愛備至
不以異母分也少攻舉子業寒暑手一編院試十餘

次不遇而志益堅書法師趙文敏圓潤秀逸肖其爲
人性溫和能忍耐遇侮之者輒怡然順受勿與校人
亦終不忍侮之有乞假者雖屢不歸未嘗拒絕并設
計措置以與之嘗訓不孝等曰寧可人負我不可我
負人緩急人所時有勿以人偶無償而遂忘周急也
性好潔居處無纖塵一冠履數年不易雖敝如新製
者然所讀文必手錄無一字塗改圈點必工整間有
錯誤必易至無憾而後止所坐几席必端正位置有

分寸焉居恆不與戶外事一室中左圖右史吟咏自得焚膏繼晷無倦容大父捐館後始稍稍布置家事內有吳太孺人經理外則府君與老總管主之時食指浩繁入不敷出兼以歷年婚喪等事所費不貲家計稍誦而府君未嘗廢學也後叔父秀升公遊庠益自奮勵每携不孝同赴試志在必獲而後已未幾染頭風兼及於目目遂盲始絕意進取而望不孝之心倍切歲庚戌吳太孺人逝世府君哀毀盡禮喪葬旣

畢以目疾不能主家政遂與兩叔父析居事事推多
取寡未嘗有爭競心時粵匪警信漸近府君恐負人
者之不能償也壬子冬卽停止典業將典中所貸者
盡行償還曰偶有不測徒爲子孫累耳其先見之明
如是戊午春不孝遊庠府君喜甚曰光漸明間與二
三知己作葉戲以自娛陸續與諸弟妹婚嫁畢而庚
申之亂又起至癸亥賊匪大肆擄掠一應什物蕩然
無存不得已挈全家間關北渡暫寓正東圩雖免兵

革可以少安而室家沒爲賊窟行李蕭然殊難久計
且府君未嘗奔波因此憂勞漸積而成疾矣不孝等
在亂離中勉進醫藥終覺罔效病危時猶執不孝手
殷殷以遇太平日必求進取爲囑不孝等不能自奮
侍奉無狀至九月十三府君竟棄不孝等而長逝矣
嗚呼痛哉府君素不佞佛謂人無罪惡不必懺悔卽
有罪惡亦非平常僧道所能解免且所謂天堂地獄
者皆後人假託以警愚人君子弗爲也故府君歿後

未營一日浮屠事府君一生切學未青一衿特延名
師薛晴巖先生在家教不孝者九年府君亦時時督
責不少貨不孝之倖列膠庠并叨餼廩者皆府君之
力也顧以時際流離致府君奄忽以歿不孝等未申
一日之養尙可爲人耶尙可爲子耶甲子秋扶柩歸
故里安葬迄今已七更寒暑宗人纘修家乘爰和淚
叙其梗槩如是府君生嘉慶十三年九月初三日卒
同治二年九月十三日年五十有六配吾母薛孺人

子五長不孝次敬安次履安次蒙安先府君卒次惠
安女一適薛永平不孝愧不能文語無倫次伏冀
大人先生俯擇而錫以傳序則府君之誼永垂不朽
不孝等亦銘感無既云

同治庚午日在東井

男治安百拜謹述

瘦山公家傳

翁姓楊諱鶴軒字瘦山振羽公五子也幼讀書年方弱冠通文藝器識踰常人將赴試以父棄養而止振羽公之將卒也翁衣不解帶湯藥非口嘗不進父沒事母益篤其他如敬老慈幼酬酢交友間尤殷殷致意焉翁三兄昂若公余岳丈也咸豐乙卯染血症事兄始終無倦心十一月勢甚危兄自知不愈益諄諄然囑以治家濟世之道翁聆之泣然流涕曰弟所以

不爲人所不齒者皆兄教養之力也敢不惟命是聽
宗祠素有祭田但祭費外無餘資丁巳歲翁向各房
竭力勸捐凡嘉生公之後裔照業捐提田百餘畝積
年採息作修葺祠宇費里黨稱其賢庚申三月粵匪
竄毘陵鄉城人紛紛走避翁猶於洛社鎮撫卹過往
難民四月毘陵陷計欲保全地方督辦團練事務晨
夕罔間至同治癸亥賊勢不可遏遂避北六月蒙江
蘇巡撫李委辦錫金捐濟總局於常熟縣木城之苗

青寺凡異鄉民皆報名造冊給口米又設草棚以棲
之死者收其尸埋之昆城湖邊九月又蒙總統劉委
辦江陰縣峒岐鎮文報局務是時賊黨逃避芙蓉圩
一帶翁素熟悉地形畫就一圖呈營請勦總統壯之
夜引軍往賊勢蹙自相踐蹈其遺棄米穀悉歸公以
資給發由是吾鄉難民賴以活命者無數十月堰橋
繼設文報分局翁亦主其事識者謂翁老成練達誠
經世才也不數日老母鄧太孺人病且劇因速歸醫

禱罔效閱月而卒一慟幾絕誓不欲生明歲甲子長
兄次兄相繼卒又竭蹶治兩喪嗚呼如翁之存心行
事世不多覩天宜畱其身以大用矣孰意是年七月
竟一病不起哉卒年四十四歲予愧乏才焉敢爲翁
立傳特溯其嘉言懿行低徊畱之不能去爰爲之書
其大畧云

姪婿薛耀峯頓首拜稿

重輯宗譜序

按吾楊氏譜自周叔虞而傳至新昌第一世於陵公
凡六十世矣世代簪纓累多顯宦十五世而至邦父
公虜陷建康不屈遇害二十勅建祠廟於惠山諡曰
忠襄十九世而至宗達公助國伐金授將仕郎德祐
元年率次子濟良與元兵戰歿於毘陵此爲鴻山慶
三支長子震發公字仲修號省齋舉鄉進士任于州
教授生子七曰文煥文炳文燁文熙文煒文爚文焯

始分新七派吾嫡祖文炳公新二派也元授常州路
通判至二十五世子震公爲寺頭致綱公嗣焉傳至
三十世承祖公生理玉祁鎮生子三長子無攷次子
雷字振華依親居新村幼子霆字振聲爲葑庄建宅
之始祖嘉慶丁巳鴻山三十五世相續修通譜來訪
吾先伯祖絢獨力支持續成宗譜瞭如指掌然宗祠
未建無以妥先靈於是先曾祖宗震公同曾伯祖恒
昌公永馥公作鼎公作霖公揆林公暨曾叔祖宗奇

公七分損資創建祠宇五間三進閱三年而告竣其
畚捐奔走諸勞後巷各房亦捐工焉所存餘資置海
號田十有餘畝以作祭用至咸豐丁巳堂兄瘦山等
思祭祀之外修理無資向嘉生公之後裔各房竭力
勸捐照業捐提其田百有餘畝累年出息可作歲修
不致墻垣損壞宗祠乃固宗譜自相修輯至今七十
餘年多有無可攷者同治己巳遵堂伯顯敝命續修
家乘幸存舊譜一部閱年餘而稿遂成容續紳觀二

支卽子震公第五傳也今刻譜三十一部鐫刊像板存封宗祠以望後之續修之者雖千百世有可考焉

同治九年歲次庚午季夏

懋懋無業懋懋共田三十九世裔孫際昌謹識

思祭厥文... 懋懋無業... 三十九世裔孫際昌謹識... 公小於懋懋... 懋懋無業... 三十九世裔孫際昌謹識... 公小於懋懋... 懋懋無業... 三十九世裔孫際昌謹識...

景純公家傳

楊君諱宜德字景純唐太傅達夫公三十九世裔孫
建春公之長子思純公之胞兄也少時有志節喜賓
客雖讀書未就而遇事規畫理無不當以故建春公
常鍾愛之及長又好爲善舉倡修橋梁凡有益之事
無不刻意爲之卽親戚兄弟之間亦無間言余又聞
其爲人慷慨坦直以直道行於鄉里人有曲直以理
剖之人有紛爭以情喻之一時目爲善人焉君配朱

氏出是名門孝姑嫜和妯娌闔教素嫻里閭之效孺
人而敦雍睦者亦多矣此亦楊君刑于之化有以致
之也奚必以讀書未就爲君惜哉同治歲次庚午楊
氏續修宗譜余適其家備知其事君之子達泉屬余
作傳余雖不文不能辭其責因援筆而特叙其大畧

云

已酉科舉人眷弟華慶成拜撰